



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23, 9/24 i 50/24), a u vezi sa članom 61. i 62. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23, 9/24, 27/24 i 72/24), Visoko sudsko i tužilačko vijeće Bosne i Hercegovine (u daljem tekstu: Vijeće), u sastavu, tužilac Sanin Bogunić, predsjednik Vijeća, sudija Velimir Ninković i sutkinja Sanela Gorušanović-Butigan, potpredsjednici Vijeća, te sudija Sedin Idrizović, sudija Obren Bužanin, sudija Izo Tankić, sutkinja Aleksandra Obradović, tužiteljica Bojana Jolović, tužiteljica Snježana Petković, tužiteljica Željka Fabić, tužilac Saša Sarajlić, prof. dr. Džamna Vranić, advokat dr. sc Davor Martinović i advokatica Elma Veledar Arifagić, na sjednici održanoj 24 i 25.09.2025. godine, donijelo je

RJEŠENJE o imenovanju sudije u Osnovni sud u Banjaluci

- I. Za sudiju Osnovnog suda u Banjaluci imenuje se **Pavičić Dragan**.
- II. Datum stupanja na dužnost imenovane Vijeće će odrediti posebnom odlukom.

O b r a z l o ž e n j e

Na osnovu člana 36. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i člana 33. i 34. Poslovnika Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je na internet stranici dana 07.11.2024. godine objavilo javni konkurs pod brojem: 04-07-3-4035-1/2024, kojim je oglašeno 3 (tri) pozicije sudije Osnovnog suda u Banjaluci.

Nakon provedene konkursne procedure, nadležno podvijeće je u skladu sa članom 59b. st. (1), (2) i (4), a u vezi sa članom 60. Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovnikom VSTV-a BiH, Vijeće je odlučilo da na 3 (tri) oglašene pozicije sudija Osnovnog suda u Banjaluci imenuje sljedeće kandidate: prvorangiranu Javorski Mitrović Branku, drugorangiranog Pavičić Dragana i trećerangiranu Kajdić Veldinu.

Dakle, Vijeće je odlučilo da za drugu od tri oglašene pozicije sudije Osnovnog suda u Banjaluci imenuje kandidata na rang listi pod rednim brojem 2 Pavičić Dragana, iz reda srpskog naroda, koji od 2021. godine obavlja dužnost višeg stručnog saradnika u Okružnom sudu u Prijedoru.

Prethodno tome, imenovani je od 2019. godine do 2021. godine obavljao dužnost šefa pisarnice u istom sudu, a od 2017. godine do 2019. godine obavljao je pripravnčki staž.

Vijeće je, ocijenilo da imenovani kandidat u potpunosti ispunjava uslove za imenovanje propisane u članu 43. Zakona o VSTV-u BiH.

Kriteriji stručnosti i sposobnosti pravne analize imenovanog kandidata utvrđeni su na osnovu rezultata kvalifikacionog i pismenog testiranja, dok su ostali kriteriji, koji se odnose na sposobnost kandidata da odgovorno, nezavisno i nepristrasno obavlja funkciju za koju se prijavio, profesionalne nepristrasnosti i ugleda, te ponašanja van posla, dosadašnjeg radnog iskustva kandidata, edukacije i usavršavanja, objavljivanja stručnih i naučnih radova, te drugih aktivnosti u struci i komunikativnosti, utvrđeni na razgovoru pred nadležnom komisijom Vijeća, kojom prilikom je svaki član komisije nezavisno bodovao kriterije, kako je to propisano u čl. 54., 54a., 54d., 54e. i 54f. Poslovnika VSTV-a BiH.

Kada je u pitanju broj ostvarenih bodova, Vijeće je imalo u vidu da je imenovani kandidat u toku konkursne procedure, za kriterij stručnosti i sposobnosti pravne analize ostvario 94,2 boda od mogućih 100 bodova, dok je na razgovoru pred nadležnom komisijom u pogledu drugih kriterija ostvario 11 od mogućih 20 bodova, što ga je u konačnici rangiralo na drugo mjesto rang liste kandidata sa ostvarenih 105,25 od mogućih 120 bodova.

Pored ukupnog broja ostvarenih bodova, na osnovu kojih je kandidat u skladu sa čl. 59a. stav (1) tačka a) i 59b. st. (2) i (4) Poslovnika VSTV-a BiH stekao uslove za predlaganje i imenovanje na poziciju sudije osnovnog suda, Vijeće je vodilo računa o okolnostima koje su relevantne za procjenu podobnosti kandidata iz člana 48a. ovog poslovnika, kao i o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Vijeće je prilikom imenovanja navedenog kandidata ocijenilo da ne postoje okolnosti koje izazivaju sumnju u pogledu podobnosti kandidata za poziciju za koju se prijavio.

Adekvatna nacionalna zastupljenost u konkretnom sudu utvrđena je na osnovu popisa stanovništva iz 1991. godine. Nacionalna struktura 62 sudija, prema popisu stanovništva iz 1991. godine, bi trebala biti: Bošnjaci (9,7), Hrvati (6,7), Srbi (39,8) i Ostali (5,9). Trenutna nacionalna struktura 47 sudija, sa uključenim odlukama Vijeća o imenovanju donesenim nakon 01.03.2025. godine: Bošnjaci (4), Hrvati (6), Srbi (33) i Ostali (4). Prema prethodno navedenoj nacionalnoj strukturi u Osnovnom sudu u Banjaluci nedostaje kandidata bošnjačke nacionalnosti (- 3,7), hrvatske nacionalnosti (- 2,4), srpske nacionalnosti (- 4,3), te ostalih (- 4,6).

Dakle, imajući u vidu trenutnu nacionalnu strukturu u Osnovnom sudu u Banjaluci, Vijeće je u konkretnom slučaju na drugu od tri oglašene pozicije sudije navedenog suda imenovalo drugorangiranog kandidata, koji dolazi iz reda srpskog naroda.

Uzimajući u obzir prethodno navedeno, Vijeće je primjenom kriterija iz člana 43. st. (1) i (2) Zakona o VSTV-u BiH, a u vezi sa okolnostima iz člana 59b. stav (5) i člana 61. Poslovnika VSTV-a BiH ocijenilo da je imenovani kandidat u potpunosti ispunio zakonom propisane uslove, kao i druge kriterije koji se cijene prilikom izbora kandidata, kako bi bio imenovan na poziciju sudije Osnovnog suda u Banjaluci.

U skladu sa članom 86. stav (8) Zakona o VSTV-u BiH sudija ili tužilac koji je prvi put imenovan na funkciju u pravosuđu, početni izvještaj dostavlja u roku od 30 dana od dana imenovanja na funkciju.

U pogledu stava II. dispozitiva ovog rješenja o stupanju na dužnost imenovanog, isto se odgađa do okončanja dodatne provjere iz člana 86d. stav 6) Zakona o VSTV-u BiH, odnosno do okončanja upravnog spora, ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

Pouka o pravnom lijeku: Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-3283-I/2025
Datum: 25.09.2025. godine



